

**BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA**

ODJELJENJE ZA KOMUNIKACIJE I MEĐUNARODNU SARADNJU

Broj: 01/3-50-4-UP/I-62-4/21

Banja Luka, 20.10.2021. godine

01/5
22.10.21.
UP
Ljekarne

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu ODVJETNIČKOG DRUŠTVA „MARTINOVIĆ&PARTNERI“, Dubrovačka bb, 88 000 Mostar za pristup informacijama, Odjeljenje za komunikacije i međunarodnu saradnju, d o n o s i

RJEŠENJE

Odobrava se ODVJETNIČKOM DRUŠTVU „MARTINOVIĆ&PARTNERI“, Dubrovačka bb, 88 000 Mostar pristup informacijama u vezi sa privrednim društvom „Ljekarne Milas“ d.o.o. Mostar.

Obrazloženje

ODVJETNIČKO DRUŠTVO „MARTINOVIĆ&PARTNERI“, Dubrovačka bb, 88 000 Mostar podnijelo je dana 23.09.2021. godine Upravi za indirektno oporezivanje BiH, u skladu sa Zakonom o slobodi pristupa informacijama u BiH, zahtjev za pristup informacijama u vezi sa privrednim društvom „Ljekarne Milas“ doo Mostar:

„da li je privredno društvo „Ljekarne Milas“ d.o.o Mostar dužnik po osnovu indirektnih poreza; koliki je iznos duga; jesu li navedenom društvu blokirani računi, ako jesu od kada; je li navedenom društvu podnesen zahtjev za stečaj u slučaju postojanja duga i, ako nije podnesen zahtjev za stečaj od strane PU FBiH, zašto nije?“

U postupku obrade zahtjeva utvrđeno je da imenovani zahtjeva dostavljanje na uvid dokumentaciju koja ne predstavlja zaštićene informacije.

S tim u vezi, a kako bismo mogli postupiti po predmetnom zahtjevu, aktom broj: 01/3-50-4-UP/I-62-1/21 od 04.10.2021. godine kao i urgencijom broj: 01/3-50-4-UP/I-62-3/21 od 18.10.2021. godine obratili smo se Sektoru za poslovne usluge za dostavljanje traženih podataka, s obzirom da su isti iz djelokruga rada navedene organizacione jedinice.

Postupajući po našem aktu, Sektor za poslovne usluge nam je aktom broj: 02/5-50-4-70-112-3/21 od 18.10.2021. godine dostavio podatke, shodno evidencijama koje se vode u istom.

Slijedom navedenih činjenica, odlučeno je kao u dispozitivu rješenja.

Pouka o pravnom lijeku: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12).

Dostaviti:

1. Odvjetničko društvo „MARTINOVIĆ&PARTNERI“, Dubrovačka bb, 88 000 Mostar (uz dostavnicu)

2. Odjeljenju 01/3 2x

3. a/a



NAČELNIK ODJELJENJA

Ratko Kovačević